

光緒山西通志

水利略二 略二之二 山西通志第六十七

賜進士出身頭品頂戴兵部侍郎兼都察院右副都御史巡撫山西提督軍務 張煦奉旨監修

平陽府 蒲州府

臨汾縣

縣西北汾河渠一道溉河西八村田

通利渠在縣西北三十里金興定二年開引汾水自趙城

石止村灘起歷趙城馬收洪洞杜戎諸村入縣境溉羊黃

南王閻侃大明並距城三十里吳村大澗並距城二十五里王曲西孫並距

城二地十八頃明隆慶二年渠壞知縣陳萬言修之

國朝康熙三十四年地震復壞知府秦棠修之臨汾縣志引

之師家莊歷趙城石明等村乃舊瀆也其改徙而南不知所始又志云溉田一百六頃有奇亦雍正以前之舊額也

山四... 卷二十七  
力... 二  
一  
永豐渠在太明吳村間同冊八村洩水之渠也明萬曆十八年知縣邢雲路同縣丞胡宗明修濬

王榮誥永豐渠記永豐渠乃新開大明村渠道以瀉通利渠之暴發也邑侯邢公雲路順民情爲之工始於庚寅落成於今年自後居常則水流通利渠而下以溉田瀑漲則就新渠西注之汾

縣西平水渠分上官下官北磨三渠溉四十餘村田

平水渠在城西卽平山水也導源金龍池下合諸泉東流分爲上官河下官河北磨河并廟後小渠共溉劉村段村馬務東宜西宜泊莊樊村界峪麻冊青城澗頭席坊祿甯小榆辛家莊喬村五級王默蘭村下當金店下冊等村田三百六十餘頃

各志於村名多略亦不詳所屬之河道

志云水與襄陵分四

十分臨汾得水二十分上官河得水十分下官河得水五分古有成例行之水程係木牌木印北磨河得水五分並不行之水程惟桑灣村居河尾自五代晉時鑄鐵牌一鐵印一蓋懼桑灣村不能沾水之利而嘉惠之也令月使水三晝夜水利乃均上官下官北磨三河共溉四十村田有奇至冬胥歸汾河明嘉靖中上官河淤知府王濬重濬之縣東北汾河二渠溉十三村田

永利渠卽汾河也唐嘗引入百金泊溉田明嘉靖三十五年同知劉衍祚築樊家莊石堰引汾穿渠資民灌溉閱二十年而廢萬曆十八年知縣邢雲路復開渠十三里溉焦堡東北十里南孝北孝東北五里高河北十里坂下郭家莊並東北五里後樓底北五里北關西關田六十頃名其渠道曰流膏洞蓄水

之池日月池

北永利渠溉高河屯東西高河三村田

即嘉靖時所闢者

唐志臨汾東北十里有高粱堰武德中引高粱水溉田入  
百金泊貞觀三年為水所壞永徽中刺史李寬自夏柴堰  
引瀉水溉田令陶善鼎復治百金泊亦引瀉水溉田乾封  
二年堰壞乃西引晉水

夏柴堰在縣東二十五里

舊通志瀉水即烏嶺下黑水瀉水即龍角山水胥至高

梁入汾縣志瀉河唐嘗引入百金泊溉田是合瀉瀉為

一也而臨汾瀉水源復出帝堯陵山麓當即唐乾封二

年所引之晉水耳

案晉水乃平水唐志云西引晉水安得以東山之水當之

王與齡永利渠記嘉靖乙卯郡貳洛陽劉公視篆役萬

人開樊家河為永利渠作石堰障水時其鍾洩溉都田

數十頃丙辰三月興工四月告成

楊起元修澇河渠記臨汾縣治東北八里有樊家河卽澇河也發源浮山之陽厥名龍角其下黑泉流涌行數十里而龍神會西金水注北三川同流斯爲澇水過東張翟底諸鎮民往往引水溉田亡慮千百泊再折而至樊家莊澇河之衆築堰壅導溉田可千餘頃蓋中蘆等九村咸饒益矣歲久堰廢萬厯庚寅邢侯雲路捐俸發粟聚夫數萬衆累石爲堰以障河也鑿阜爲洞以注澇也浚地爲溝以達田也堰在洞之東高倍尋而廣以十軌長又倍之建大閘四而壅水注之洞洞通溝順流而下因地形也出洞口鑿蓮池以瀦蓄水也洞之上起亭亭之上構樓察水勢驗祲祥也乃題堰曰千金洞曰流

膏亭曰觀澗樓曰水雲

金水河渠溉縣東一村田

金水河渠在縣東二十五里河裏莊溉田五百餘畝下流入澗水

澗河渠自洪洞來溉縣北四村田

利澤渠亦作麗澤渠引洪洞東山澗河西流過羊獬入境

溉韓村東北二十五里東盧二十里溝上賈村並十五里四村地畝本汾

河舊渠也明時重浚改引澗河及小河水洪洞霍泉餘水舊亦入此渠詳

下洪洞縣

其別泉資溉者縣東有澧泉渠西有嘉泉西北有柳林泉西南有灰泉馬跑泉

臨汾縣志澧泉渠在城東南卽東亢村之澧泉溉東亢

村田二百畝嘉泉在城西十里周六十五步過下流使  
盈亦可溉田灰泉在城西南二十五里壇底村東土沙  
如灰故名亦可溉田注於汾馬跑泉在城西南二十里  
周三丈深不可測溉田十畝有奇續志柳林泉在城西  
北十五里東宜村咸豐初湧出溉稻田九十餘畝  
其穿渠入城者爲永利池

永利池在城內明洪武間知府徐鐸引利澤渠水及澆河  
水穿穴入城西北浚內外蓮池方圓二百二十步深七尋  
名曰永利以便民汲歲久衝涸成化乙巳知府李琮重修  
呂柟記後廢嘉靖間同知劉衍祚再修亦廢萬曆十八年  
知縣邢雲路開澆河渠引水復入池內一名蓮花池

國朝道光十九年知府羅重濬治別鑿一池以便民汲俗名



小海子在府治前

張昌修永利池記城東有蓮花舊池宋慶厯三年潘大博爲知州始引東山臥虎岡黃蘆泉水入城而注之池植荷花其中迨金源氏之季渠道湮塞其流不復入城城中雖有井泉味多鹹苦惟可澆灌居民或遠汲汾河之流或車運郭外之水其勞特甚洪武十年郡守南昌徐公鐸相度地形北引汾河潭利渠水穴城入池可瀦可汲於是召徒程工載浚載拓中爲土梁界爲兩池池方圍各二百二十一舉武其深七尋梁左右甃以甌甌下爲水門池成而水適至隨汲隨足名曰永留意取濟民之生於悠久也

倪岳永利池記郡守徐仲聲鐸北引汾河潭利渠水穴

城注池名永利渠歲久衝澗兼豪右侵據民罔攸賴成  
化乙巳太守委官募役重加濬治傍池鑿井朝夕利汲  
而銀買車運之苦遽革又慮池瀦停濁鑿通池前郡學  
及不出兒濠環爲芹泮城外之水皆可引入城中無滯  
又於羊解之間輦石爲梁洞殺上流勢用去霖雨泛汾  
沒溺民田之患明年秋請諸當路瓶爲引水洞長千有  
百尺過水洞長亦半之井橋旣具花木茂植仍作書院  
於池側以居俊秀其利始永矣

舊渠汾河有利澤渠引水渠汾河有樊家河渠城內有天幸  
渠並廢

舊通志利澤渠在城北元中統間民段佑創引汾水漸  
田大德間邑尹石林給不花疏通自趙城衛店分汾河

水東一派歷洪洞臯陶等村流至臨汾韓村東盧溝上

賈村等村溉田三十頃元史平陽地狹人衆常乏食元

至元三年總管鄭鼎導汾水溉民田千餘頃案渠即舊

志汾河城南二里明嘉靖間副使趙祖元購江浙善水

車者爲水車引水溉田知縣楊君璽造水車二十一具

疏渠十四道溉田十八頃後汾河淤徙不常盡廢其故

詳所嘉靖間民丁放等率焦堡九村開樊家河溉田六

十頃案此即劉司馬所開之渠樊家河距城十里樊家

九村之內據志九村後增至天幸渠在城譙樓南明嘉

靖間僉事王世隆作渠洩水會平張世朝因名天幸

河隄澇河有千金堰其古堰有高粱堰夏柴堰並唐時築

舊通志千金堰即澇河渠障水之堰知縣邢雲路修

古堰

前見

襄陵縣

平水四渠溉近城田五十七頃有奇

高石河渠縣北二里溉縣北水關諸里田七頃四十畝有奇

李郭渠縣北二里溉廣智諸坊田一十頃有奇

中渠縣西南二里溉崇仁諸坊田一十七頃有奇

南橫渠縣西南五里溉東柴諸里田二十三頃有奇

高登龍臨襄兩河分界設龍祠之水以四十分爲則下官等河北條也剖二十分臨汾全用之南橫等河南條也剖二十分臨汾與襄陵兼用之渠規尙在溝界井然惟是下官河與南橫渠壤址相接水道相連源頭之外

有枝泉三穴其一在北其二在南北雖一泉而流行頗盛南二泉僅足當之兩河分界處原有牛心石或又曰中心石石既久湮亂是用長下官人妄欲兼其三而南橫人並不讓其一喙鳴穴闕滋蔓無已本府會同三廳及臨汾襄陵等縣親詣水濱講求故界始知每歲雀角之訟初不在大卽前三穴是也三泉無界則爭故其要在於分界乃畫其地而兩分之據勘北一泉原與下官河逼近卽本河舊物也今歸下官南二泉原出南橫地畔亦卽本河故有也今歸南橫剖分旣明中立石隄一道自碑亭前分水處起斜迤而南至中地止高四尺闊三尺三寸長一十丈共九樁每樁高五尺因議立石表其顛末

陳士枚平河均修水利碑廣南朱公

名琦

來攝縣定以

地隨糧以水隨地之制會臨汾周侯親履畝兩邑田若  
稅相值也於是定平水爲四十分縣各取其半復於境  
內設四綱維持之曰水則曰用人曰行水曰陡門其水  
則之法縣水二十分八支渠分灌視壤廣狹爲差南橫  
渠六南磨渠四高石渠二分有半李郭渠二晉掌渠分  
有半東靳廟後兩小渠各分半而畎澮均矣其用人之  
法渠有渠長司水之禁令溝頭治澆灌堰長守陡門皆  
聽於渠長違約者渠長驗其多寬之數督溝頭行罰不  
受罰者有刑誣者坐如律而主伯立矣其行水之法晝  
夜有程通閉有節傳牌有部次洶河有式動碾有候而  
制防密矣其陡門之法築門管渠渠上廣七尺下廣三

尺門廣一尺其夾深尺二寸撻以石母弗平插以版母  
弗密鏤以印記稽以守訶母弗壹且毖而羸縮謹矣議  
既定編上於院司觀察大尹皆報可

其別泉資漑者縣南有沙渠西南有娥英泉

舊通志沙渠卽練溪泉在縣南三十五里接太平縣界  
漑劉村等里田二頃有奇東入汾娥英泉在西南十里  
薛村里引漑薛村左右景村等田按時輪漑設渠長司  
之

濁水資漑者縣西南豁都峪水四渠三燈山水一渠漑田二  
千頃有奇縣東南浮山峪水三渠龜山水二渠焦家峪水一  
渠漑田二十頃有奇

賈朱汧在縣南三十五里源出鄉甯之豁都峪漑賈朱等

村田七百頃有奇

洞子汧在縣南三十五里源出谿都峪舊塞明宏治十四年知縣李高疏通溉賈朱諸村田四十頃有奇

西王汧在縣西南四十里引谿都峪水溉西王諸村田五百頃有奇

關良汧在縣西南四十里引谿都峪水溉京安諸村田八百頃有奇其下流司馬諸村汧官道大水圯陷宏治十四年知縣李高築隄堰水利遂通

雀水汧在縣南三十五里源出三嶺山後溉北成諸里田三百畝有奇宏治十四年知縣李高構橋往來便之

馮溝汧在縣東南二十五里源出浮山縣界溉趙曲諸里田六百畝有奇宏治二年知縣張文佐疏通歲久壅塞嘉



靖三十八年知縣侯廷柱復疏濬建橋王與齡記

牛角汧在縣東南二十五里引浮山峪水溉南梁諸村田

長泊澗在縣東南二十里引浮山峪水溉南梁西梁二村

田

阡陌汧在縣東南三十里源出龜山下溉小郭南梁鄧莊

三村田

小石澗渠在縣東南三十五里源出龜山峪溉西鄧戶諸

村田六百畝有奇

焦家峪渠在縣東南五十里源出臥龍山溉陶寺諸村田

五百畝有奇

王與齡馮溝渠記姑射之陽平水出焉灌民田萬餘畝

故汾之西歲每熟而民裕浮山之麓土厚水深田率高

亢故汾之東歲多厲而民貧趙曲鎮左舊有馮溝渠畜  
暴水以溉田宏治中西平張侯文佐始加疏濬溉至千  
餘畝四十餘年歲久弗濬故道堙塞嘉靖丙辰山東侯  
君來理邑益加疏廣三月渠成溉田至二千餘畝於南  
北通衢建橋利涉河東民如更生焉

河隄汾河有蕭公隄在東關外

舊通志蕭公隄在汾河西岸舊患水勢衝圯明萬厯間  
知縣蕭大才砌石爲長隄名蕭公隄

王應吉汾河石岸記襄陵郭以東去汾不百武秋水泛  
溢河岸輒衝嘉靖壬子以來其患特甚萬厯己卯冬邑  
侯蕭公大才繕隄於汾之西崖慮土洳易衝則於潰決  
處悉甃以巨石下闊五尺上闊三尺有餘慮高卑難一

則因岸勢而低昂之高者至一丈五尺卑者鱗次不齊  
延袤計二百二十餘丈慮水勢迅激則於數丈之內每  
出一磯頭以殺之磯凡一十有九遠而望之形若盤龍  
肇於辛巳三月訖於癸未五月

洪洞縣

縣西汾河渠一道溉河西七村田

通利渠在縣西北三十里金興定二年縣民閻張創置自  
趙城石止村灘內置堰開渠導汾水下流溉趙城石止馬  
牧二村田洪洞辛村北段南段公孫程曲李村社戍七村  
田及臨汾羊黃九村田共二十一村地二百二十六頃八  
十二畝渠舊名閻張云閻張趙城志作閻長

縣北霍泉五渠溉二十六村田

南霍渠卽霍水析支出禁口南流者也水源縣東北三十里霍山南麓廣勝寺下唐貞元間分南北二渠北渠得水七分西流入趙城縣溉田三百餘頃南渠得水三分西南流溉趙城四村田又南流入縣境溉曹生馬頭西安堡上莊下莊坊地石橋頭南秦南羊周壁封里十二村田一百二十九頃有奇

小霍渠卽古通霍渠南北二霍渠下流也宋慶曆六年導其瀦落餘水於沙河內置堰引水分七溝溉田至七千四百八十畝有奇後多爲汾河衝沒今止溉官莊四社賈村苗村溫家堡地十五頃有奇

副霍渠在縣北三里明建文四年羅漢寺僧妙智導小霍下流於沙河內置堰開渠

土人名爲南堰又名前堰而下名小霍渠爲北堰爲後堰

分二支溉灣裏前後坡底北關城西羅漢寺五社地十五頃五十畝今實在地十二頃八十畝有奇正德中義官張滿重修易土堰以石

清水渠二一在苗村里引霍水溉苗村温家堡地一頃有奇一在永甯引霍水溉東西永甯村地二十六頃九十八畝

洪洞縣志霍渠宋暨有明官爲設立限水及逼水之石以息民爭

國朝雍正三年兩縣復訟同知劉登庸詳請於渠上跨流作橋建亭其上名分水亭下設鐵柵分爲十洞北七洞屬北霍渠南三洞屬南霍渠自後分水既均爭端亦息清泉三渠溉近城田二十頃有奇

清泉渠在城東南安流門外源出城東十里董寺村尙家泉宋慶厯間民以銀易泉導經李堡村五龍潭合澗水而成渠地分三節灌溉上節梗壁村中節城東下節小南門外其地十二頃有奇

清澗渠在大南門外金天會二年開導澗水及清泉餘水合流自縣東寶崖下置堰流至李堡梗壁至小南門外慈雲菴與清泉渠尾接西流至大南門外分二支溉南關西關地六頃七十畝有奇

副清渠亦清泉渠餘水也溉城東南地二頃有奇  
澇河渠溉縣東南界二村田

益民渠在縣東南三十五里趕盛村臨汾縣界引澇河溉東谷村西谷村地二頃三十畝

其別泉資溉者縣東有連子泉西有普潤普濟二泉南有東坡泉東南有雙泉寶泉深泉

洪洞縣志連子泉在縣東二十里張村東北二里許天

子崖下引入渠溉張村安樂村敬村地四頃二十畝舊通

志以為潤河渠誤

舊通志普潤泉在縣西二十里萬安鎮西百步泉水混

出溉田三頃六十畝有奇普濟泉在縣西二十里萬安

鎮西北百步溉田三頃八十畝有奇東坡小泉在縣南

三十里孫保村東引泉水溉地五十畝雙泉在縣東二

十里師村北金明昌五年里人文都等疏導一出龍王

溝一出小舌溝溉田半頃有奇寶泉在縣南三十里侯

泉村南溉田一頃有奇深泉在侯泉村東溉地一頃有

奇

濁水資澆者縣東有澗河十二渠澆三十七村田縣西有北大澗四渠澆七村田南澗河三渠澆六村田

陳珍渠縣東三十里郭益鎮自北鉞溝南開渠引澆地六十畝

先濟渠縣東三十里下魯村自二至山龍王廟開渠引澆地二頃五十畝

象議渠縣東二十五里蘇堡村宋天聖三年自郭益鎮開

渠引澆地十三頃光緒二年與先濟渠揭設河東道委員同知縣艾紹濂勘斷令先濟渠以後置

堰准用卵石不得填塞沙土高低以水漫過為度

澗源渠蘇堡村接水亭南引澆蘇堡蜀村古縣董寺李堡

周壁辛堡梗壁八村地一百一十頃四十畝渠水退流至縣東門外入



城

長潤渠蘇堡村南溉尹壁蜀村古縣董寺四村地二十二

頃

北沃陽渠縣東十五里古縣村元至大元年於村東南開

渠引溉古縣范村董寺李堡四村地五頃有奇

南沃陽渠縣東南十五里范村北溉地五頃五十畝有奇

崗渠范村西開渠與姚莊小渠合引溉秦壁村地若干頃

畝姚莊地一頃三十畝有奇二村分水每村八日輪灌秦壁村原灌田八頃二十畝今

不及

廣利渠縣東南二里姚莊白寶崖下開渠引溉澗橋張村

西池王村左壁五村地十四頃一十畝

要截渠縣南二里澗橋村金興定二年自姚莊梗壁二村

間開渠引溉澗橋營裏二村地十頃有奇

普源渠縣南三里自火星營開渠引溉北營南營西營三村地二十頃有奇

麗澤渠縣南二里許引溉西池王村張村左壁臯陶上下

橋陽曲羊獬九村地四十二頃九十畝有奇即利澤渠也水退入臨汾

兼引小河水溉韓村東盧諸村田以上並引澗河水古

通軍水也源自岳陽舊志謂之雷鳴山水蓋非大潦不

甚通流沿澗諸村所接大半皆潤民渠縣西二十里萬安鎮一名萬安渠自西山大澗接

西北山水分三渠中為潤民溉萬安鎮楊家莊韓家莊三

村地二十頃

普安渠在潤民渠北溉萬安鎮並趙城燒瓦莊二村地十

頃有奇

西安渠在澗民渠南溉西北姚頭地二頃有奇同治元年

當澗築埂獨占水利澗民西安二渠訟之府經勘明斷結以澗離地地基盡屬洪洞所轄將築埂一律剗平任水自流

澗渠在澗民渠下導西北澗水溉萬安鎮及曹家莊二村

地以上並北大澗

廣平渠縣西南三十里世尊峪唐貞觀間砌石引南澗河

水由臨汾入境溉長令村鄭家寨郭家莊三村地三十二

頃有奇

西澗民渠廣平渠下流溉馬家莊下溝二村地十八頃有

奇

下廣平渠縣西南赤荆村南溉西龍馬村地十七頃有奇

以上並南澗河

其穿渠入城者為清泉水及副霍水

洪洞縣志清泉水一由東門外少北入西流分繞學宮  
一由小南門外極東入北流折而西經書院及縣治副  
霍渠由小北門外少東入南流至學宮與清泉水會三水  
均西至石橋下由西南城根石洞穿入濠

舊渠汾河有利澤興利續公公利四渠霍泉有通霍渠口麗  
澤渠口澗河有澗源長澗廣陽晉源四渠口並廢

舊通志利澤渠元平陽太原兩路管軍萬戶侯鄭鼎在  
趙城衛店村西置堰開渠導汾水溉洪洞臨汾二縣地  
三百頃有奇至焦堡村入汾後地震河圯民上奏遣祕  
書官檢覈復於趙城屈項村導汾溉地如故明正統間  
開渠復圯縣民議三節導水上節導澗河中節導小河  
下節導高河胥置堰後澗水不足洪洞知縣王彧以通

霍副霍二渠餘流入汾可惜令民易地開渠自縣北賈  
村導二渠餘派經城南合澗水亦名利澤渠溉營裏西  
池王村安樂村張村上下橋臯陶陽曲等村與舊利澤  
渠名同實異後續開渠亦廢嘉靖二十七年臨汾民爭  
水知縣趙宸考遺事如右因書之俾後爭水者有考焉  
案小河出縣南之峪頭  
流經臨汾東北賢莊村興利渠在縣北半里永安里引  
汾水溉地二頃五十畝後廢縣志引水自趙城  
馬牧村至薛家莊續公渠  
卽小霍渠內高公溝地汾水浸塌沒一千畝有奇河西  
灘地是也張雲翼等瀕河西開渠道接汾水灌溉名續  
公上自趙城王村開口引水下至縣境北段里退水溉  
張家莊宋家莊賈村共地四百頃有奇公利渠塌於汾  
澗二河遺址不通  
詳所在霍渠卽小霍南北二霍下流也在縣

北五里北洞村南宋慶厯六年導南北二霍溢漏溝河  
支派上自趙城營田莊下至洪洞李衛村崖下置堰沙  
河內導水至北洞村東南龍王廟後砌小石堰爲退水  
石用則閉之用訖由惠遠橋下西流入汾小堰西南延  
壽觀東立石水口三座闊一丈一尺二寸分七溝槽北  
槽南二溝分水三尺二寸五分有奇堰北溝分水二尺  
六寸一分有奇苗村賈村高公白羊四溝分水五尺三  
寸五分有奇共溉七溝地三千三十三畝有奇明洪武  
五年苗村里周順復疏通之堰闊七尺深一丈五尺溉  
槽南地如故槽北等六溝地七千四百八十三畝以汾  
水浸塌沒四千九百六十四畝止存二千九百一十九  
畝溝胥被塌西苗白羊二溝地蕩然村移內地又高公

溝嘉靖間河斷水絕分賈村溝水爲小溝入副霍渠借  
流田去賦存民甚病之萬曆九年知縣喬因羽丈地豁  
糧始免徵

國朝順治間汾水復衝塌槽南高公副霍三溝渠知縣洪

其清令灣裏窩舖前官路西開渠道有條例渠冊陰應

節記所塌之田別開續公渠引汾灌漑者後亦廢今此渠存官莊東西南北四社及堰北苗村賈村三溝

麗澤渠於縣城南大橋西引小霍副霍二渠餘水并澗

河雷鳴水入渠共溉羊解村等一十二村地案志係此渠於霍泉

五渠內後又云麗澤渠在縣北一里引沙河河水溉南鄉地三十頃後廢其所云沙河卽小霍副霍之餘水也

潤源渠在縣東三十里郭盆鎮南宋天聖四年於五龍

廟下澗中置堰赤沙河底開口導水溉蘇村蜀村故縣

董寺李堡周村辛堡梗壁朝陽城東九村地十一頃四

十畝有奇明永樂間山水漲古渠衝絕修築輒廢嘉靖

三年渠長李文傑告分巡僉事董琦二十年知縣孫巨

鯨開鑿石口導水溉田如故今渠口移蘇堡溉田一百一十一頃有奇長澗

渠在縣東三十里郭盆里引澗水溉蜀村故縣董寺三

村地十頃八十畝今渠口移蘇堡沃陽渠一名廣陽渠相傳劉

淵開在縣東三十里餓虎崖下下魯村東於澗水中置

堰導水流至下魯村又西南流至尹壁村南入水口上

流溉李村師村郭上薄村景村范村董莊馮張燕壁董

保社村北羊等鄉地千頃有奇遺址尙存後於張村澗

中間築導水溉張村范村秦壁姚莊崖下等村地亦名

沃陽溉田三百畝後開之渠今亦廢晉源渠在縣德化坊引澗

水溉地三十五頃卽公孫渠也在縣南十五里汾水久



淤

河隄澗河石隄在南門外

舊通志縣南有澗支流溢入歲賦蓄槌調徒過之宋仁宗時洪洞縣李周始築新隄民不告病

明縣志澗澗河居民多引溉田夏秋雨暴漲坍臨崖地且盡宏治十七年水北溢塌城垣知縣鄭選令義官張滿築隄護之袤二百丈高一丈有奇後隄寢圯嘉靖二十二年知縣陳宗仁復砌以石迄今賴之

洪洞縣志順治九年夏水暴漲駕隄直逼城郭知縣金貴設法補苴之乾隆九年邑紳劉衷與其族光晉繩伊光晟方溥共任其役自梗壁村西南八字堰訖城西南隅止築隄五百七十五丈高八尺寬五尺鑿石甃其外

中實碎石灰汁灌注疑而爲一用金二萬二千有奇四十二年知縣鹿師祖補修歷百餘年至同治八年澗水復漲潰隄入城知縣張維藩捐集邑紳錢萬二千緡重加修復旋以事去署知縣袁敬踵成之未幾復壞知縣艾紹濂再修時值大祲卽以工代賑焉

### 太平縣

縣東北玉泉渠溉四村田

靈泉泉一名玉泉在縣東北二十五里設渠溉田者四村分日輪灌景毛四日南高二日北高四日西郭三日

濁水資溉者縣西北有豁都峪渠溉十四村田尉北峪渠溉十六村田又有大柴峪渠煤峪渠溉二村田

豁都峪在縣西北三十里侯村北水由鄉甯山來金皇統

四年開渠上汧溉西侯東侯地滿峪攔閘下汧溉東侯吉  
村姚村吳村常村東安平南安平北姚古城鄧村董村柴  
王申村共十四村地其由渠而分者有高原汧在灘汧古  
城汧中原汧常村汧溉六村地餘水入汾其渠道及所溉  
地畝見於志者有侯村二渠溉地十六頃有奇古城二渠  
溉地二十四頃常村二渠溉地二頃三十三畝柴王一渠  
溉地十頃申村一渠溉地二十二頃並縣北二十五里吳村二渠  
溉地二頃二十五畝姚吉二渠溉地二頃有奇並縣北二十里又  
南高一渠溉地一頃五十七畝景毛一渠溉地十六頃並縣北二十五里此二村  
蓋由渠所分之汧尉壁峪渠在縣西北十五里尉村北  
水由鄉甯山來亦皇統四年所開上汧灌尉村地滿峪攔  
閘下汧灌盤道西北中黃焦彭安平三公南北膏腴程嬰

夏陌南中黃孝村曹路相李站里餘水入汾其渠道地畝  
有尉村二渠溉地三十八頃十畝有奇西安平一渠溉地  
五頃二十七畝盤道二渠溉地二十三頃並西北南焦彭  
一渠溉地十頃五十三畝北焦彭一渠溉地二頃十五畝  
並縣北三公一渠溉地五頃有奇北膏腴二渠溉地五頃  
八十畝有奇南膏腴一渠溉地一頃有奇西中黃一渠溉  
地三十頃二十畝有奇並縣西大柴峪渠在縣西八里南  
膏腴里煤峪渠在縣西二十里賈岡二渠水微溉田無多  
舊渠城西有清水泉縣南有白公渠西南有焦村泉

太平縣志清水泉在縣西門外繞流過城南關而東明  
知縣鄒學書奉檄興水利置水車七具灌田二千餘畝  
今塞孔天孕有太平肇興水利記白公渠在縣南二十

五里南王趙康村間南王地勢卑下康熙間秋霖逾月西北之水匯於村北民田被淹數千畝知縣白孔蛟開渠引水由趙康歸龍谷民食其利後渠湮塞焦村泉在縣西南十五里焦村西北相傳晉獻公都絳時引水入城今渠迹存明嘉靖間知縣耿儒議開未果

國朝康熙七年知縣侯有生開之不克成乾隆二十年泉自溢後又微減豐十年復溢出流二里許

舊通志太平縣汾河經流四十里兩岸俱高崖近河民田不能引灌惟有旱渠二十六道分定石口石界立渠長司之又云汾河夾岸居民有灘田之利亦有衝隘之患

岳陽縣

縣北蘭河四渠溉四村田

蘭河渠縣北一百里寶豐村東流經唐城鎮義甯村上縣村至和川鎮入沁沿河渠四道溉唐城地四十八畝義甯地四十八畝上縣地三十畝和川地九十八畝河水淺狹水力日溉地十五畝由上至下周而復始渠長司之

澗河八渠溉近城及縣南諸村田

澗河渠起縣東三里之下陽莊南流經城又南二十里至澗上村入淇河境沿河渠八道溉下陽地十八畝瓦罐溝地二十二畝東門外地一百三畝南壇下地一百八十二畝灣裏地二百二十畝張莊地六十三畝五馬地五十畝澗上地十二畝歲闋渠長總司之夫一名司地二十畝用水一日一夜如水盛一夫溉訖聽接溉水縮輪溉如例

其山溝水資溉者縣東有寺頭莊獅子溝二渠溉地五頃有奇縣北有下冶賈寨二渠溉地二頃有奇

岳陽縣志寺頭莊渠縣東百里冀氏里之北寺頭莊溝

中有水引入冀氏村舊溉田二頃五畝今增溉頃餘獅

子溝渠縣東三十五里三合村亦名雙源渠緣其水一

源於豬耳山一源於後徐村之牛兒嶺溉田二頃二十

二畝下冶渠縣北二十里下冶村溉田一頃七十四畝

賈寨渠縣北二十里賈寨村亦溉田

舊渠縣東有高壁烏嶺朱家窰山溝三渠其在城內者有便民渠並廢

舊通志高壁渠在縣東一百里淘漚村明洪武七年引

屬寨溝水流至高壁村溉田東烏嶺渠

縣東百十溉田  
里沁河西

一頃七十四畝朱家窰山溝渠源出永樂里范寨村經  
朱家窰侯賈村至偏澗村入洪洞境即草峪水下流也至縣南入澗河  
渠二道溉水莊村地二十五畝偏澗村地五十四畝與

馬村同用便民渠在縣治南

### 曲沃縣

縣南絳水渠溉六村田清水渠流合絳水溉四村田

絳水志謂之沸泉在縣東南二十里景明村源出絳縣入

曲沃境有分水渠明成化間民爭水數十年不息知縣劉

璣鑄鐵斛定分數西孔六分北孔四分訟始息至萬厯間

奸民毀斛復起爭知縣蒯諫更鑄鐵斛均分溉田凡六村

景明村自八里至林交村自十五里至白水村二十里下邨村

二十八里至東明德村十五里西明德村十五里清水河渠在縣



南合景明諸水北流入滄既四村田西周村里上裴莊三

里下裴莊十一交里村里十

縣東北滄水渠溉二十二村田

滄水古天井水也三源流合由翼城入縣境又合溫泉故

俗名合水即唐志所謂引古堆水溉田名新絳渠者今大

半資溉於溫泉其開渠起縣東北三十里海頭村分溉二

十一村東海村二十五里西甯村東甯村里並十東許村里十二西

許村里十一庭城村靳莊村里二十河上村里十六東常村里十七

西常村里十六北常村郃村里二十吉許村里二十周莊村里十九

縣冊村里二十王村自二十五里至二十七里焦莊里三十羊舌村里二十常

家圪塔西海村里五里南韓村里七里

宋志嘉祐三年曲沃翼城爭水知絳州李復請以曲沃樊

冊三村易翼城南韓十村以平其爭勅兩縣易田分水至  
四年始定

其別泉資漑者縣南有龍底拔劍溢溝臥龍四泉縣北有慈  
感泉

曲沃縣志龍底泉縣東南十五里相傳晉時嘗架水入  
城今居民引以灌田拔劍泉東南十八里任莊康熙間  
漸涸乾隆二十年知縣張坊修濬居民利賴焉溢溝泉  
出絳縣流入縣東南二十五里東閭村居民引以漑田  
臥龍泉東南二十五里南屬寺北流至通晉橋村人引  
以灌園種稻夢感泉縣西北柴村屢塞屢濬亦可漑田  
其穿渠入城者爲溫泉水

曲沃縣志溫泉水定例有泮池水三分鑿城開渠引水

而入循縣治注於池歷宋金元明載在水冊嘉靖三十四年地震西甯天橋塌毀渠身雖存水不能流

國朝乾隆二十年知縣張坊公議修鑿復引水入城未幾復湮道光中知縣李培謙重開之

舊渠溢水有古唐渠今廢

唐志永徽元年曲沃令崔翳於縣東北三十五里開新絳渠引古堆水溉田百餘頃案渠距縣三十五里地在溢水之北曲翼兩縣境今渠道皆在木南非故瀆矣又案溢水因翼之覆釜山而名俗亦稱爲鼓堆有古畧村即古水之訛也蓋與絳州之泉名久相混矣

翼城縣

縣東南滄河渠十一道溉入村田

大石村二渠縣東北十里石橋村二渠縣東五里冶子地

二渠縣東十五里喬家莊殷家莊各一渠並在縣東堯都渠縣西十里下陽渠縣西南二十五里合雲渠縣西南二十里凡渠十一道胥引滄河然俟水漲乃能溉地旱輒涸坼不能施力也

其北流入滄河者灤池二渠溉十二村田賀水二渠沙泉二渠溉四村田

灤水出縣東南十五里西北至李村與滄合唐嗣聖中縣

令張懷器導之分流二渠溉十二村田南梁澗峽故城東

鄭吳村並縣東南十五里清流東南十五里馬冊南十五里北常武池並南十五里

南史西張並南十五里

賀水渠又名玉泉渠在縣東南二十里出絳縣東賀水村

入縣境分二渠溉西賀水東賀水二村田與絳縣輪溉

沙泉在縣東南十五里下流村開二渠溉東尹西尹田各

二頃

水利設五甲共之每甲輪一晝夜約盜木者罰白粳一石作修渠費

盧照鄰張懷器去思碑縣東有翔泉泉者公之獎勸咸令導引五鄉之境同沾此潤遂得三春桃花並出長渠之口九秋萍葉平緣廣路之潺激溜潔紆分源溉灌是以奇樹蒨鬱芳畦霍靡紫穗飄香青花吐色城郭之內士庶繁多井泉鹹苦泥而不食公憂人是務濟物爲心畫計陳謀踰溪越澗旬有二日克就其功引靈派於中衢控清瀾於上陌競列園亭爭開池沼故得舊井甘冽新田沃饒據文則當時並引水入城但翔泉泉卽灤池與城隔滄水非能架導當別爲一水也金段天章翼城縣尹楊宜時墓表南川水利灌田甚廣數村爭訟不已君爲斷理皆服其平至今以爲定例民

祠祀焉

明王泰沙泉記縣城南半舍許下流里西有二泉卽志名沙泉者也流而溉白馬里西尹及白馬里東尹二村田各二頃每村五日輪灌二村人舉插如雲決渠成雨皆泉之利也西尹故渠經東尹並壑行成化辛丑夏故渠爲山水所衝鬻淪於壑工不可施水遂爲東尹所專自是西尹民始病部使者命縣治之事未就宏治庚申奉安張公忠知縣事躬詣按視得故渠南七家地可渠乃倍直易之爲渠長六百尺廣五尺水乃復行而西尹之受渠水者皆復其舊矣

其別泉資溉者縣西有釵股泉渠溉一村田

釵股泉卽溢水之南源也在縣西十五里威軍村村人開

渠引以灌田

舊通志縣境渠十八道胥古渠也渠長司之定有成規

其他地多高亢不能開渠案縣領水地一百九頃五十九畝有奇

舊渠金河渠雲河渠並在縣北

翼城縣志金河縣西北三十里古暑村溉古暑孝義二

村田案此為滏水北源即古堆水也二村所溉之田當在唐曲沃令崔駟之新絳渠內馬跑泉

在縣北二十五里壽城村南流為雲河居民引以溉田

河隄滄水隄在縣南關外

翼城縣志滄水為患每一漲發撼城沒濠乾隆二十三

年知縣陳廷科募修隄岸旋毀二十八年三十二年知

縣韓夔典許崇楷相繼修築

汾西縣

縣東汾河渠六道溉入村田

南關鎮渠在縣東北三十五里靈石界二縣彙合水口也  
由靈石下灘渠起至道美河頭止王莊渠南關鎮南五里  
縣與靈石彙合水口也由川牛坪起至石灰窰止小河村  
渠縣南六十里由風子口起至村東止乾河村渠縣南六  
十里由小河村東起至石坂底止師家莊渠在乾河東由  
石坂底起至村南小店止六渠自上及下以次輪灌渠長  
司之

師家莊下接趙城三十里有  
臨洪趙三縣通利渠舊渠口

其別泉資溉者有伏朱前加樓澆地溝笱籬堰諸渠

汾西縣志伏珠渠縣南九十里康熙九年知縣蔣鳴龍  
築堰引水前加樓渠縣東三十里康熙十年開溉地三  
十八畝有奇續志澆地溝泉在城南七十里大麥原東



五里石室石佛左右二源混混不竭筴籬堰溝泉在城南八十里磊石村東南並溉地數十畝

濁水資溉者有團柏棗平水潤衛灘諸渠

汾西縣志猛水渠下團柏棗平並縣南五十里水潤鎮

南六十里衛灘南七十里並知縣蔣鳴龍所修舊通志又有新

修回坡底張瑞二渠在伏朱里續縣志小古回坡陳村上張瑞四渠可溉千餘畝案蔣令所開之渠志統名爲善利七渠謂南關王莊水潤師家莊後團柏及伏朱加樓也惟後團柏引汾水灌地三頃二十五畝有奇

鄉甯縣

縣南鄂水渠溉近城田三頃有奇

鄂水經城南沿山麓築堰導水自校場火神廟後入渠分

流溉田行一里許至嶺南溝口止縣中園圃畢萃於此

五龍泉二渠溉田二頃有奇

泉出縣南九十里五龍宮西谷分南北二渠北渠自塔坡  
前沿山分溉舉引入道院南渠自蘭家院村入渠至龍口  
橋下與北渠合流出谷灌田日可十餘畝

其別泉資溉者城南有溫泉及龍王池

舊通志溫泉縣南半里高山之陽嶺畔石田資其灌溉

龍王池東南半里自石孔中出川田資灌溉

舊渠縣川有十三渠

舊通志明萬歷間知縣彭萬里濬河渠十三道溉地三

百五十畝案縣川舊惟兩渠羅峪河經東門外灌暖泉

也同治中大水暖泉灣地衝沒殆盡今止校場一渠矣

縣中所稱巨流惟此二水而川地無幾多由濁潦漲淤

河隄石堰在東城下及西關外

鄉甯縣志羅峪河經東城下流合鄂水繞城南至西關  
 外又合後溝水漲溢無常元明時屢有水患萬曆中修  
 城於東面補砌石堰比舊加長益以滾水堰南西兩面  
 各築通水堰

國朝康熙丙午知縣張聯箕築東門北護城堰已酉建南

河石隄長二百五十尺高十尺

北山山水穿城而下乾隆時知縣福祿於北城

後贊洞導入羅峪河歲久復衝入城同治七年署知縣俞丞奎啟故潰重葺以石未幾復決西關橋頭石堰咸豐初增修僅一年為水衝潰同治十三年統領湘軍朱駐西關督勇重築自橋頭環三義廟而西長二十餘丈

右平陽府

永濟縣

泉水資漑者有大水白石臨泉寒谷玉泉諸澗並在縣南

舊通志中條山諸泉澗上流下接經越村莊民資灌溉

大水澗在南十五里地名太谷

案在東南蒼陵谷之東

白石澗南

十五里地名韓陽

二水出中條山陰

臨泉澗南五十里地名胡

營寒谷澗南一百里地名觀後玉泉澗南一百二十里

地名南張

三水並出中條山陽禾樂鎮北

舊渠黃河渠在縣北涑水渠姚邈渠及永濟普惠二渠並在

縣東青渠在縣東北蒼陵谷渠引水入城在縣南今並廢

蒲州府志周保定二年正月初於蒲州開渠以廣灌溉

宋陝西轉運使薛顏即蒲津開北岸醴上流為支渠以

殺水怒河中浮橋乃不為水所敗因取渠水溉其旁田

民頗利之紹聖中知河中府游師雄自中條山下立渠

堰引蒼陵谷水注之城中人賴其利

舊通志涑水渠東三十里唐貞觀十七年刺史薛萬徹

開姚暹渠東三十里青渠東北四十里南道五姓湖史  
記載於青渠之原卽此永濟渠在州東大通廂內溥惠  
渠在州北復安里古城下廣一丈西通濠隍胥知州許  
鵬以州城東原溝阪深浚大雨輒壞田稼兼積水通衢  
故開二渠凍水河由五姓湖流入境後五姓湖以寬廣  
漸至乾涸不能下流水不入永濟者已數十年矣至於  
永濟渠湮塞歲久

河隄黃河隄在西門外舊有閘引河入濠今廢連城橫渠玉  
龍二堰在縣東亦廢

舊志古護城堰在西門外北起古官道灘角南抵河  
濱廟西抵河岸袤四百餘步高一丈濶二丈五尺明萬  
厯庚辰重修砌石堅緻東護州城連城堰闊一丈長三

十丈橫渠堰闊一丈長三十丈後湮玉龍堰闊一丈長五十丈三堰胥明知州許鵬築以障永濟普惠等渠水勢後多湮

史魯石津記蒲城瀕河東高而西下水澍之隄卽城垣之埽時湍悍衝激則潰齧石苗而垣岸傾頽路爲阨阻甚者浸及垣池矣正德己卯叅議王公天瑞得石八千餘片津堰長二千五百尺

鍾羽正王基行狀庚辰陞參政治蒲州州並大河一日河忽南溢且抵城聲如霆震城中皆驚號公於崩處見石隄橫互蓋遠古以護城者遂建議接而增之自城抵首陽之麓蜿蜒如游龍河自是不爲患

呂柟開闢記嘉靖辛丑秋趙君伯一名守蒲郡定策曰

若有不虞開河引水周流於隍數萬甲兵不足懼也乃計地定功計民定役西北建閘高於河身西南合河隍深且將至泉三月功告成

臨晉縣

舊渠漢水故瀆在縣西南久涸涑水二閘在縣東南亦廢

舊通志隋文帝時刺史楊尙希引漢水立隄防開稻田

數千頃民賴其利漢水在吳王渡姚暹渠分入虞鄉涑

水河與虞鄉分界瀕河民田雖資灌溉皆獲自然之利

未設渠道案臨晉水葦地分入虞鄉後只存三畝雍

頭及城東城西村莊地方河低地高溉不能洩水又不能灌田誠為虛設

虞鄉縣

泉水資溉者王官谷瀑布泉風伯峪石佛寺黃家窰張家窰

蘆子泉諸水並在縣南溉十餘村田

舊通志王官谷南十里水由故市鎮西北渠入鴨子池可灌谷口故市等村地瀑布泉王官谷內天柱峰傍東西二瀑合流出谷口居民就地遠近引以溉田引水之法以時刻記名一分水宋虞鄉令俞充東渠亭詩註王官谷東西二渠水自司空表聖定法谷中人以時用至今不廢今王官之水以分計者一百一十有九焉風伯峪水山新渠過申劉二營入鴨子池可灌峪下村地石佛寺谷南三里中條山麓山水北流遶城東惠澤橋下經申劉二營入鴨子池寺西小流卽由柏梯楊趙二村入鴨子池可灌城東西諸村地黃家窰水灌窰左右由新街村北注五姓湖張家窰水城西南灌窰左右由坦



趙揚超二村入鴨子池蘆子泉在槍峰西北麓今寺僧  
居民引以溉田

虞鄉縣志條山諸峪水惟王官瀑布旱潦不竭引灌山  
下田不煩疏濬獲自然之利其次則風伯峪寺峪黃家  
峪清水峪雖灌無多猶為有利無害其餘諸峪旱則涓  
流立涸潦則沙石壅衝利則有之害亦多焉

南 濁水資溉者有石鹿青龍直峪蒼龍清水孤荻諸水亦在縣

虞鄉縣志石鹿青龍二峪水可灌石衛社樂等村地今  
以新渠壅淤不及鴨子池石鹿水勢迅猛司鹽嘗同新  
渠引入鴨子池寺龍谷在石  
東 直峪蒼龍以西至清水孤荻諸谷山水各灌其下  
諸村北注五姓湖直峪在方山東清水孤荻在方山西  
蒼龍在五老山並縣西南澗谷也

舊渠姚暹渠北堰涑水南北渠今存故瀆

舊通志隋大業中都水監姚暹濬永豐舊渠兼築堤堰

自安邑楊家莊西至臨晉五姓湖以入於河客水有所

歸鹽池患息而民田亦紓衝決之虞至今名其渠曰姚

暹渠虞鄉縣志南堰為崇堰渠北諸村亦有在唐貞觀

十七年蒲州刺史薛萬徹於虞鄉縣北十五里開涑水

渠自閭喜引涑水下入臨晉涑水河由猗氏邸家營智

光達臨晉水頭以及五姓湖四十里而近水所經注皆

資灌溉由邸家營南注可灌坊南村坑頭以南諸村地

山邸家營西流可灌水頭觀底胥村城子埒勃落頭以

南諸村地今題准建崗遠近胥獲水利五姓湖西北

二十五里為涑水姚暹經流所注之處南屬虞鄉北屬

臨晉近按地勢之高下議定渠口遇水漫田由上流橫築土壩壅水澆溉漫足開壩填渠以次引溉虞鄉額分水葦地不越二十頃而南逼中條北遶涑水皆因地勢以爲蓄洩涑水之利不能越姚渠以南渠南岸全資山泉其達而不能徑達卽皆於畛旁疏井用轆轤轉運循渠灑潤炎夏雖非旱魃村閒汲井晝夜不息至於山泉流灌分刻判畝絲毫無越畔

臨晉縣志涑水由聞喜而安邑而猗而臨而永下流之形勢高於上流向者掘下流使之深上流守曲防之戒但有直注張揚之勢而無橫出南潰之憂近則安猗以上之民私截橫決致使水不歸渠下流日涸故臨之渠工日懈而永之民更不知修河爲何事

河隄姚暹渠隄經縣北

明朱實昌濬姚暹渠記姚暹一渠所以受諸山谷之水由苦池入五姓湖以達河自唐以來湮沒至今予使加濬焉渠中廣三丈兩岸各高二丈爲隄隄之上廣二丈東起安邑苦池西抵蒲之黃河長二萬丈有奇通役夫二萬人人四十日爲工八十萬而城堰之功又半之

猗氏縣

泉水資溉者有黑龍澤在縣西南

猗氏縣志黑龍澤在縣西南二十里久湮邑人王含光濬之引渠溉田

舊渠涑水南澗渠久廢河口二關今存故瀆

舊通志南澗距柳隄數武涑河故道也泉流十里荷稻

相間後寢廢

涑河故道在縣南張河孫鳴諸村邑人郭爲觀有考文詳山川篇

國朝雍正七年侍郎韓光基疏查涑水一河發源於絳縣  
厯聞喜夏縣安邑猗氏臨晉由五姓湖而達於黃河自  
猗及臨沿河居民均資灌溉蓋緣涑水深濁每當涑河  
開河之際田畝一經灌溉肥饒倍常故愚民混行私決  
堤堰橫築土壩擁水漫田以致餘流南注淹及石橋等  
窪下村莊且上河村莊築壩截流下河村莊竟不能受  
涓滴之惠前經奏請建閘築堤以防水勢但查所建四  
閘猗氏地方有二一在邸家營一在南智光南智光一  
閘水勢稍緩不致衝決窪下田畝尙可藉以灌溉邸家  
營一閘河高地低正當急流衝射之處修培不繼以致  
漫淹斷宜堵塞仍加月堰幫護方可無虞其臨晉二閘

建於水頭及城東城西村莊地方河低地高既不能洩  
水水又不能灌田實爲虛設臣等親往查勘訪詢居民  
併行令河東道悉心酌議擬於邸家營至河西村一帶  
地方酌量遠近於堤外量開河口河身量築土壩擁水  
入渠使民挨次灌田灌足之後卽開壩下流俾得均沾  
其惠併將河道淤淺處挑濬遇夏秋瀑漲便可暢流歸  
湖至應開渠口及築壩之處俱勒石定界責令地方官  
按時稽查併於村民內設立堰長輪流管約不許私決  
爭越及壩水專利如違按法責懲臣等復委河東道楊  
應琚親歷沿河各村咨詢士庶人等俱各踴躍懼怵情  
願於農隙之時挑濬河道加築堤堰仍各栽樹以固堰  
堤如此酌定築壩既有一定之規百姓永杜私決之弊

石橋等村亦得免漫淹之患

河隄涑水隄在縣西南崔家灣

張璞濟築涑水崔家灣記涑水迤邐東來過猗而河身中高漸就平衍夏秋恆雨百里一壑水激湍決岸沙善崩河壘西南尤窪下衝斥最劇先是水故南去而鹽池在下流之左設泉潦不時則由小池而入處必趨之勢矣自改涑而西百年利益當日號召分陝左右大河南北合三藩人力始告厥成故有隄以障故道曰崔家灣水至此方直下迅馳而人力且將扼其吭以捍而西浪擲沙飛沮洳齟損故堤時廢時築隆萬間蓋屢築之順治庚寅秋猗令高君累土塞渠挽南倒之波立中流之岸又創鑿上流別爲導引緩其轉曲先水勢而殺其力

庶永免齧決矣

崔家灣在縣西南十里自漢而南為明宏治以前故道

### 榮河縣

黃河汾河渠田故蹟久湮其泉水資溉者舊有四泉今亦微  
 史記河渠書漢武帝時河東守番係言漕從山東西歲百  
 餘萬石更砥柱之限敗亡甚多而亦煩費穿渠引汾溉皮  
 氏汾陰下引河溉汾陰蒲阪下度可得五千頃五千頃故  
 盡河壩棄地民菱牧其中耳今溉田之度可得穀二百萬  
 石以上穀從渭上與關中無異而砥柱之東可無復漕天  
 子以為然後卒數萬人作渠田數歲河移徙渠不利則田  
 者不能償種久之河東渠田廢子越人令少府以為稍入  
 案黃河出龍門歷河津榮河臨晉永濟行平地二百餘里  
 汾河舊自榮河境入河明以來河東徒自河津境即入河  
 矣今復經榮河境夾甸渡



舊通志泉四一在南屈村一在北辛莊一在孫石一在  
王信村皆可漸出頗爲民利又志有漢水在郭村引隋  
蒲州刺史楊尙希開稻田  
事案今臨晉及陝之郃陽皆  
有漢水而不聞有灌田者

右蒲州府